

سهلکی در سعادت ایچون مجیده
بکرمی غروش حسابیه التمش
غروشدر

طشره ایچون پوسته اجرانی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولمق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

جنايت و جناحه و قباحتدن دولایي حقوق شخصیه
جهتجه وقوعبولان حکملرک لایتغیر حاله کیردکری
تاریخندن اعتباراً اون بش سنه صکره ساقط اوله جغنی
مبین اولان اصول محاکمات جزائییه قانوننک درت
یوز سکسان التنجی ماده سی حقوق عمومیه دعواسندن
آیرو اوله رق رؤیت اولنان دعاوی شخصیه حکملرینه
معطوف اولوب حقوق عمومیه دعواسنک ثبوتیه
جزا ایلر برلکده حکم ایدیلان مصارف محاکمه حکم
جزائینک تمامندن اولغله احکام جزائییه نکه اجرانسه
مخصوص مبادی معینه دن اعتباراً مدت قانونیه نکه
مروریه ساقط اوله جغندن بومثللو جنايت و جناحه و
قباحت اعلاملرنده محکوم به اولان مصارف محاکمه نکه تابع
اولدینی حکم اصلی مدت قانونیه ظرفنده تنفیذ واجرا
اولنش ایسه مصارف محاکمه محکوم بها خزینة جليلة نکه
مطلوبات متحققه سی حکمینی آله رق اون بش سنه
دکین محکوم علیه دن تحصیل اولنه بیله چکی بدیهی
ومتد مذکوره ایچنده محکوم علیه وفات ایدر ایسه
ترکسندن استیفایه مساع قانونی غیر موجوداکین دوائر
اجرائیه جه معاملات مذکوره نکه غیر مطرد صورته
جریان ایتمکده بولنش اولدیغندن بخله استفسار
معامله بی متضمن بیروت و سوریه ولایتلری عدلیه
مفتشکلرندن وارد اولان تحریرات اوزرینه، اصول
محاکمات جزائییه قانوننک باب سادسک مرور زمان
ایله مجازاتک سقوطی بیاننده اولان فصل خامسنده
مدرج بعض مواد قانونیه ده تعیین اولنان مدتلر
قبل الحکم سقوط دعاویه مخصوص اولوب مواد
جزائییه حقوق عمومیه وشخصیه دعوالرینک اقامه
سیچون معین اولان مدت قانونیه ظرفنده اقامه
دعوی اولنوبده اولبابده حکم لحوق ایتمکدنصرکه
جنايت و جناحه و قباحتدن دولایي حقوق شخصیه
جهتجه وقوعبولان حکملر لایتغیر حاله کیردکری
تاریخندن اعتباراً اون بش سنه صکره ساقط اوله -
حفلرندن کرک حقوق عمومیه دعواسیله برابر وکرک
آیروجه رؤیت وحکم اولنان حقوق شخصیه نکه علی

محاکمات و مقررات

الاطلاق اون بش سنه ده دکین محکوم علیه دن ووفات
ایتمش ایسه ورثه سندن تحصیلیه حقوق خزینة نکه
محافظه سی لازم کله چکی انجمن عدلیه افاده سیله
جواباً مذکور مفتشکه نبلغ قلنمشدر.

سرفیچه سنجاغی بدایت محکمه سی مدعی عمومی
معاون سابق احمد مختار بکک اوراق انفصالیه
ومدافعه نامه سی انجمن انتخاب مأمورین عدلیه جه
لدى التدقیق جواز استخدامنه قرار ویرلمشدر.

بیروت شمندوفر شرکتی اداره سنه تسلیم اولنان
معلوم المقدار امانتی کتم ایدرک امنیتی سوء استعمال
ایتدیکی ادعاسیله مظنون علیه اولان اداره مذکوره
مأمورلرندن ابراهیمک التی ماه مدتله حبسنه و مبلغ
مذکورک کفیلی بولنان ساموندن تحصیلنه دأرسوریه
ولایتی مرکز بدایت محکمه سی جزا دائره سندن
ویریلان اعلامک تمیزی حقنده مرقومان طرفلرندن
بالاعطا ولایت مذکوره استیناف محکمه سی مدعی
عمومیلکندن اسرا قلنان عرفحال ایلر اوراق متفرعه سی
لدى التدقیق اعلام مذکورک بدایت ویریلوب قابل
استیناف اولدینی حالده استیناف ایدلمکسزین تمیزاً
تدقیق استندا اولدینی اکلاشامش ومواد جزائییه
دائر ویریلان اعلاناتک تمیزی ایسه اصول محاکمات
جزائییه قانوننک اوچیوز یکریمی ایکنسجی ماده سی
موجبجه صوک درجه ده ویریلان حکمی حاوی وقطعی
اولسیله مشروط بولنش اولدیغندن دولایي عرفحال
مذکورک ردینه محکمه تمیز استندا دائره سنجه قرار
ویرلمشدر.

هیئت اتهامیه دن جنحه درجه سنده لزوم
محاکمه قرارنامه سیله محکمه عانده سنه سوق
اولنان مواد جزائییه نکه اثنای رؤیتنده مجازات

ترهیبیه دن اولدینی تین و تحقق ایتدیکی
حاله مظنون علیه حقنده توقیف مذکوره سی
اعطا واوراقنک لازم کلان مستنطقه تودبع
واسراسی مقتضی ایکن بدایت محکمه سنجه
یالکیز دعوانک رؤیتی وظیفه خارجنده اولدینی
بیانیله اکتفا اولنسی واستیناف محکمه سنجه
دخی لوازم مسروده قانونیه نکه بدایت اجرا -
سندن ذهول ایدلمسک اسباب فسخیه تشکیل
ایدوب ایتیه چکی تذکر اولنه رق اکاکوره
کیفیتک اصول وقانونه موافق صورتنده اعلامه
ربطی اصول محاکمه مقتضیاتندن وجملة
وظائف استینافیه دن اولدینی حالده قرار ابتدائی
ایله هیئت اتهامیه مضبطه سی بیننده کی مبیانتک
تعیین مرجع طریقیه فصلی ایجاب ایده چکندن
مرجعنه مراجعت اقتضا ایلیه چککنه دأراعلام
ویرلسی نقض حکمی مستلزم بولندینی حقنده
محکمه تمیز استندا دائره سندن اعطا قلنان
۲ مایس سنه ۳۱۸ تاریخی اعلامدر :

محکمه استیناف جنحه دائره سندن ویریلوب ۱۲
مارت سنه ۳۱۸ تاریخنده تفهیم ایدیلان وظیفه
قراری حاوی اعلامک تمیزی مستدعی محکمه
مذکوره مدعی عمومیلکی جانبندن اعطا اولنان ۱۴
مارت سنه ۳۱۸ تاریخی استندنامه واوراق متفرعه سی
باش مدعی عمومیلک مأموریت بهیه سنک ۲۷ نیسان
سنه ۳۱۸ تاریخی تبلیغنامه سیله برلشدیرلرک محکمه
تمیز استندا دائره سنه تودبع اولغله لدى التدقیق
مذکور استندنامه نکه مدت قانونیه سی ظرفنده
ویرلیدی اکلاشامغله اوراق مرقومه دائره جه
قرائت ومطالعه اولندی.

اعلام مذکورک خلاصه مالی حسییه وکریمه سی

نافعه خاتمری ضرب ایدرك بونلردن حسیبه خاتمك تعطیل عضوینه سبب اولدیغی ادا سندن طولانی مظنون علیه اولان بلدیچه چاوشلرندن محمد علی افندیك اجرا ایدیلان محاکمه ابتدایه سنده فعل واقعت جنایت درجه سنده کورلدیکندن رؤیتی وظیفه خارجنده اولدیغنه دائر لاحق اولان حکمك استیناف ایدلسی اوزرینه جریان ایدن محاکمه استینافیه سی نتیجه سنده نوع جرم حق سنده کی قرار ابتدایك تعیین مرجع طریقته متعلق کورنمکه تدقیق وظیفه خارجنده اولدیغنه قرار ورلدیکندن و مذکور استدعا نامه به مربوط لایحه مدراج اعتراضاتك خلاصه سی دخی مسئله مختلف فیهانك فصل و تعیین محکمه استینافیه فیهانك جمله وظایفندن ایکن بروجه مشروح قرار اعطاسی مخالف قانون اولدیغندن و سائر دندن بخنله اعلام استینافی مذکورک نفی طلبندن و تبلیغ نامه نك مفادی دخی قرار واقع استینافینك محق و وارد کوریلان اسباب موجب سنده نظراً آنحق تعیین مرجع صورتیه لازم التدقیق اولان قرار ابتدایك محکمه استینافیه جه تدقیق و تخصیص فسخی وجوبه دائر در میان ایدیلان اعتراضات وارد و بجا کوریه مدیکنه مبنی ردیه فقط دعوی موجب نك مدته تابع واستدعا به متوقف اولمان تعیین مرجع طریق قانونی سنده تعلق ایدن هیئته کما نجه تقدیر حکامه منوط اولان شهادات واقعه نك دلالت کلیه سنده نظراً ضرب کئی قصد ایقاع اولنان تعدینك تعطیل عضوی انتاج ایلدیکی تحقیق ایش اولدیغنه مبنی کیفیتك جنایت درجه سنده اولدیغنه دائر اولان قرار ابتدای موافق اصول وقانون کورنمکه اصول محاکمات جزایه قانوننك درت یوز اون سکرتهجی ماده سی حکمه توفیقاً تعیین مرجع اولتی اوزده اشو قراده مغایر اولان هیئت اتهامیه مضبطه سنك نفی لازم کله چکی بیانندن عبارتدر .

ایجاب لدی المذاکره بالاده بیان اولدیغی اوزده بوخصوص حقنده باش مدعی عمومیک مأموریت بهیه سندن تنظیم واعطا قلنان تبلیغ نامه ده محکمه استیناف جنجه قسمنك سالف الذکر اعلامنده مندرج اسباب موجب سنده نظراً ایشك تعیین مرجع صورتیه فصلی لزومه مبنی اعلام مذکور علبنده استیناف مدعی عمومیلکندن و بریلان تمیز استدعا نامه سنك ردی ومظنون علیه محمد علی افندیك محکمه بدایتجه تعطیل عضوی انتاج ایتسندن طولانی جنایت درجه سنده کوریلان حرکت واقعه سنك مقدما هیئت اتهامیه جه جنجه نوع سندن عد و اعتباریه او بولده اجرای محاکمه سنده دائر و برلش اولان مضبطه نك تعیین مرجع طریقله نفی در میان اولمش ایسه ده هیئت اتهامیه دن جنجه درجه سنده لزوم محاکمه قرار

نامه سیله محاکم عاده سنده سوق واسرا قلنان مواد جزایه نك محاکم مذکور جه انشای محاکمه سنده استماع اولنان بخیر لک افادانه و جریان ایدن تدقیقندن متحصل نتایج کوره محاکمات تریهیه سی مستلزم جرائمندن اولدیغی تبیین وتحقق ایتدیکی تقدیرده مظنون علیه حقنده در حال موقت ویا غیر موقت توقیف امری اعطاسیه اوراقل لازم کلان مستنطقه تودیع وارسال ایدیه حکمی اصول محاکمات جزایه قانوننك یوز تمش بدیجی ماده سی احکام صریحه سندن اولسله بدایت محاکماتک جنجه درجه سنده لزوم محاکمه قرارنی متضمن بولنان و علبنده و قبیله اعتراض وقوعوبوب محکمه عاده سنده کوندرلش و اوراچه امر تدقیقات و محاکماتک زمان اجرا سنده دکن الطبع مدت اعتراضی مرور ایش اولان مضابط اتهامیه به قارشو جنایت نوعندن کوردیکی مواد جرمیه ایچون برمنوال محرق توقیف امری اعطاسیه و اوراق متعلقه سنك مستنطقه تودیه ماده مذکور احکامنجه درکار اولان صلاحیت قانونیه سی هر نوع مقررات ابتدایه سی فسخ ویا تصدیق وظایق ایه مکلف اولان مافوق استیناف محکمه لر نیجه نوع جرم حقنده اعطای قراده مضابط مذکوریه سی اسباب مانعه قانونیه دن عدیه غیر موجود اعتبار ایشك درجات اوزرینه متشکل اولان محاکم وظائف معینه سیله قابل تألیف و توفیق اوله به چکی (مابعدی کله چک رنسخه به)

رواندز قضا سنك اکویان قریه سی ساکنه لردن حدیجه خاتونك قطع طریق صورتیه اشیا سی غضب ایتسندن دولای جنایتله اتهام اولنان قریه مذکورلی چفتیجی عمرک اوج سنده مدته کورک قونلشنه دائر کرکوک سنجانجی بدایت محکمه سی جزا دائر سندن و بریلان یوز سکر نومرولو اعلام محکمه تمیز جزا دائر سنده تصدیق اولمشدر .

سولانه نك اشیا سی سرق ایللردن دولای جنایتله اتهام اولنان حلیك سوق العججی محله سنده مقیم قوندره جی لطیف بن جاسم وحید بن حاجی احمدك اوجر سنده مدتارله کورک قونلرینه دائر حلب ولایق استیناف محکمه سی جزا دائر سندن اعطا قلنان اون درت نومرولو اعلام محکمه تمیز جزا دائر سنده تصدیق اولمشدر .

بیت اللحم قصه سی اهل ایتسندن بشاره بن جریس قسطنطیل الزایدینک خانه سنده استعمال اولنان طوزه سم قارشدره رق خسته لشنه سیبیت و بردکاری ادعا اولمشندن دولای جنایتله متهم اولان قصه مذکورلی

موسی الزیادی وحسن الزیادینک اوجر سنده مدته کورک قونلرینه دائر قدس شریف سنجانجی بدایت محکمه سی جزا دائر سندن و بریلان سکر یوز اونوز الی نومرولو اعلام محکمه تمیز جزا دائر سنده تصدیق ایدمشدر .

جایق قو ناحیه سنده تابع همدان قریه سی اهل ایتسندن عمر بن ابراهیم ابودیانک کیفیت قتله دن دولای جنایتله اتهام اولنان قریه مذکورلی محمد بن سلیم الناصرک اون بش سنده مدته کورک قونلشنه دائر نابلس سنجانجی بدایت محکمه سی جزا دائر سندن ایکنجی دفعه اوله رق و بریلان اوجر یوز اون درت نومرولو اعلام محکمه تمیز جزا دائر سنده تصدیق اولمشدر .

جایق قو ناحیه سنده تابع همدان قریه سی اهل ایتسندن مسلم بن ملا محمود ورفقاسنک انشای زاده مساحاً اوزر لرنه عیوم ایدرك اشیا و حیواناتی غضب ایتسندن دولای جنایتله اتهام اولنان سروجک قالیچه قریه سندن زید بن نمونک اوج سنده مدته کورک قونلشنه دائر اوزره سنجانجی بدایت محکمه سی جزا دائر سندن و بریلان قرق درت نومرولو اعلام محکمه تمیز جزا دائر سنده تصدیق اولمشدر .

رازلق قضا سنك باقه قریه سی اهل ایتسندن ولد دیمتری جرح و طواری لی اخذ و غضب ایتلردن دولای جنایتله اتهام اولنان قریه مذکورلی اسماعیل وغان بن عبدولک اون بشر سنده مدته کورک قونلرینه دائر درامه سنجانجی بدایت محکمه سی جزا دائر سندن و بریلان اونوز بدی نومرولو اعلام محکمه تمیز جزا دائر سنده تصدیق اولمشدر .

جمعه بالا قضا سنك تابع اوستوه قریه سی اهل ایتسندن باخو ولد دیمتری طاعه قالدیروب قدیه نجات طلب ایلدیکی ادعا سندن دولای جنایتله اتهام اولنان نوره قویلی طودور ولد نیقوله نك درت سنده مدته کورک قونلشنه دائر سروژ سنجانجی بدایت محکمه سی جزا دائر سندن ایکنجی دفعه اوله رق و بریلان سکران بر نومرولی اعلام محکمه تمیز جزا دائر سنده تصدیق ایدمشدر .

قواله قصبه سنده مقیم سلانیکلی مناهک وفاته سیبیت ووردیکی ادعا قلنمشندن دولای جنایتله اتهام اولنان قصه مذکورده مقیم برر احمد بن ابراهیمک بش سنده مدته کورک قونلشنه دائر درامه سنجانجی بدایت محکمه سی جزا دائر سندن اعطا قلنان ایکبوز ایش

اوج نومرولو اعلام محکمه تمیز جزا دائر سنده تصدیق اولمشدر .

موسی اوغلی سلیمانی قتل ایلدیکی ادعا سندن دولای جنایتله اتهام اولنان بولی احمدک اون بش سنده مدته کورک قونلشنه دائر اذمید سنجانجی بدایت محکمه سی جزا دائر سندن اعطا قلنان ایک یوز اون درت نومرولی اعلام محکمه تمیز جزا دائر سنده تصدیق اولمشدر .

غلطه ده خراججی زقاغنده مستأجر بولندیقی بقال دکانده کی اشیا یی بقالیه سی دکرندن فضله سیغورطیه وضع ایدرك سیغورطه بدلندن استفاده ایشک امیلله مذکور دکانی قصداً احراق ایلدیکی اداسیله متهم بولنان بقال لاسقاریسک مؤبد کورک قونلشنه محکمه جنایتجه قرار و برلشدرد

طوبخانه ده بارکیچیلک ایدن حسن بن مصطفانک مولودی بیچاقه جرح ایلدیکی ثابت اولدیغندن اون کون حبسه و اوج ایرا آله رق مجروحه اعطاسه

بقال فیلوسک اموال منقوله سنده ایراث خسار ایدن بک اوغلنده ساکن مزادجی دیمتری ولد یورکیندن اون بش بشلک جزای نقدی آلشنه

پیری باشاده ساکن سبطانی ضرب و جرح ایدن روسیه دولتی تبعه سندن قصاب مؤئیز ولد آورامک اون کون حبسه

قوناق آراهه چیلردن احمد ایه حسینک ساعتلری سرق ایلدیکی اکلاشیلان اسکدارده مقیم حسین بن حسینک الی ماه حبسه

اولیا خائنده مقیم عزیز افندیك اچمه سیله مهری سرق ایدن غلطه ده قفسجی زقاغنده ساکن دیمتری ولد طناشک اوج ماه حبسه و ختام مدتیته ضابطه جه کفالته ربطه

یکدیگری ضرب ایدن بانی ولد یورکی ایه انکلتره دولتی تبعه سندن ناچو ولد جوزده نك برهفته حبسلرینه بشکطاشده ساکن عارف بک پولیس علی افندی ی اجرای وظیفه حالتده تحقیر ایلدیکی ثابت اولدیغندن موسی الیه دن ایک ایرا جزای نقدی آلشنه

سلانیه جوارنده ساکن طوفان افندیك انسطاشه شهیر سلاح ایلدیکی ثابت اولدیغندن برهفته حبسه

حقور جمعه محله سنده ساکن رفیق افندیك ساعتی سرق ایدن وعین فعلدن دولای محکومیت سابقه سی اولان اون اوج باشنده اراتاکی ولد طانییک قانوناً مستحق اولدیغی جزائک نائی اولسق اوزره ایک ای مدته حبسه

بشکطاشده ساکن رنجبر یوسف ایه طوبخانه ده قره باش محله سنده مقیم جمال سعیدک یکدیگری ضرب و جرح ایلدیکی ثابت اولدیغندن برهفته حبسلرینه بشکطاش تراموای آخوری سانس باشیسی احمده حقارت ایدن خط مذکور آراهه جی باشیسی محمدک برهفته حبسه

بویاجی سلیمانی ضرب و جرح ایدن طوبخانه ده قره باش محله سنده مقیم بویاجی محمدک اون کون حبسه فریده ده ساکن آراهه جی آنطونیونی ضرب و جرح ایدن فری کونیده شراب فابریقه سنده سانس طورمشک اون بش کون حبسه

فاتحه ده ساکن قالدیرجی یانیله محرمک مجروحیتیه سیبیت ووردیکی ثابت اولان آراهه جی حقینک برهفته حبسه ایاضوفیه محله سنده ساکن قهوجی محمد بن اسماعیلک تونسلی فسجی محمدی ضرب ایلدیکی آکلا شلیغندن برهفته حبسه

علی بکه اطاله لسان ایدن قنقلیده ساکن سری بک بش کون حبسه وارنلی سلیم بن عثمانک قره کمرکی ذلیخا خاتون ایه کریمه سی فاطمه یی ضرب ایتدیکی ثابت اولدیغندن برهفته حبسه

پولیس افراندن علی رضا افندی ی جرح ایدن اداره مخصوصه آجته خانه سی بیلت مأموری ادهم افندیك اون کون حبسه

استغانی ضرب ایدن ایتالیا دولتی تبعه سندن علیکساندیروسدن برلیرا آله رق مضروبیه اعطاسه تاغراف مأمورلردن محمد ظلیف افندی ی ضرب و جرح ایلدیکی تحقیق ایدن بحریه ملازم لردن اسلام افندیك اون کون حبسه

روم ایل قواعنده ساکن حاجی اوغلی حسین آغایه شهر سلاح و علی افندی ی ضرب ایدن استیه ده ساکن صالح بن حسنک برآی حبسه

کورکی قبوسنده ساکن قبری ضرب ایدن قاسم باشاده ساکن مینا ولد مینانک برهفته حبسه

مهرانه اطاله لسان ایدن یونانی ماییلدادن بر ایرا جزای نقدی آلشنه

قاسم باشالی امینه نظیره خاتمی ضرب ایدن وحیده خاتمن برلیرا آله رق مضروبیه اعطاسه

بکی مولود بن ابراهیمی ضرب ایلدیکی ثابت اولان بوغازکسانده چایجی ابرانی حسین بن عبدالهک اون کون حبسه

پولیس چاوشی عاصم افندی یی جرحه جرأت ایدن کراسته فابریقه سی عمله سندن عزیز بن فیض الهک اون درت کون حبسه

بکی قهوده مقیم والی حزاروسک اشیا سی سرق

ایتدیگری ثابت اولان بارکی سورنجیسی علی بن احمد ورفیق علی بن ابراهیمک اوجر آی حبسلرینه قره کمرکی جیله خانه اطاله لسان ایدن امینه خاتمن یازم ایرا جزای نقدی آلشنه

دیلنجی بانی ضرب ایدن مسکرات بیعه نظارتی مفتش لردن قسطاکی افندی ی بر آلتون آله رق مضروبیه اعطاسه

قیان دقیق مرکزی پولیس لردن خلیل افندی ی اجرای مأموریت حالتده ضرب ایدن کونا هیه لی اشجی چراغی عمر بن حسنک برهفته حبسه

یکدیگری ضرب ایدن ملازم صبحی افندی ایه قیان دقیقه ساکن اونیه لی حاجی عارف و خدمتکار محمد و اتمکچی قوچو و یانیله طومه ولد یورکی و ساعتجی مصطفی بن حسنک برهفته حبسلرینه

یونان دولتی تبعه سندن قوچو ولد یورکینک قره طاغلی یوانی ضرب و جرح ایلدیکی ثابت اولدیغندن اون بش کون حبسیله برابر ایک آلتون آلوب

مضروبیه اعطاسه درسعادت ، بک اوغلی واسکدار بدایت محاکمی جزا دائر لر نیجه قرار و برلشدرد .

مجازات ایشیا هیئته

قولوبه قضایی نائی و بدایت محکمه سی رئیس یعقوب صبری افندی ایه محکمه مزبوره اعضا سندن اولوب مستنطقک وظیفه سی ایفا ایدن عباده ومدعی عمومی معاون وکی پولیس مأموری ابراهیم اقدیلرک مواد معینه ده مغایر اصول وقانون معاملات ایه وظیفه مأموریتلری سوء استعمال ایلدیگری مناسرت وقوصوه ولائتری عدلیه مفتشکلرندن ورود ایدن اوراق تحقیقه مؤدا سندن آکلاشلدیغندن محکمه مزبوره مستنطق معاونی طاحه افندی حقنده مشترکاً تعقیبات قانونیه ایفا اولتی اوزره رئیس واعضا ومدعی عمومی معاون وکی موسی الیه مک محاکمه آتته آلملرینه مأذونیت و برله محله تبلیغات لازمه اجرا ورئیس موسی الیه ک کیفیت محاکمه سندن طرف عالی مشیخته باهی بده معلومات اعطا ایدمشدر .

ایحالات

تجارت بحریه محکمه سنده : تجارت بحریه محکمه سندن افلا سنده حکم اولمش اولان غلطه ده کمر آلتده ۱۱ نومرولی مغازه ده مانیفا طورده جی ساموئل سالیانازک خصوصات افلا سیه

سنگ رؤیت و تسویہ سی ضمنندہ دعوی وکیلانندن بدروس افندی اصالة سندیک تعیین قلمش اولدیغندن مفاس مرقوم ذمتندہ آله جنی اولنلرک قانوننامہ تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفده سنداتی محکمہ کاتبه تسلیم ایلملری ومدت مذکوره ختامندن صکره اوچ کونده یعنی اشبو بیک اوچوز اون سکر سنی تموزینک یکرمی ایکنجی بازار ایتسی ویکرمی اوچنجی صالی ویکرمی دردنجی چهارشنبه کونلرنده تجارت بحریه محکمہ سنگ افلاس اوطه سنه کلهرک سندیک افندی مواجهه سنده آله جقلری اثبات وقید وتصدیق ایتدیرملری ومدت مذکوره ده اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور.

بک اوغلنده قالیونجی قوللغنده مسکرات فابریقه سنده مقیم ایکن تجارت بحریه محکمہ سندن افلاسنه حکم اولنش اولان یانی انجولیدینک خصوصات افلا سیه سنگ رؤیت و تسویہ سی ضمنندہ دعوی وکیلانندن سلیمان و آقونوللو افندیلر اصالة سندیک تعیین قلمش اولدقلرندن مفلس مرقوم ذمتندہ آله جنی اولنلرک قانوننامہ تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفده سنداتی محکمہ کاتبه تسلیم ایلملری ومدت مذکوره ختامندن صکره اوچ کونده یعنی اشبو بیک اوچوز اون سکر سنی تموزینک یکرمی اوچنجی صالی ویکرمی دردنجی چهارشنبه ویکرمی بشنجی پنجشنبه کونلرنده تجارت بحریه محکمہ سنگ افلاس اوطه سنه کلهرک سندیک افندیلر مواجهه سنده آله جقلری اثبات وقید وتصدیق ایتدیرملری ومدت مذکوره ده اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور.

استانبولده مارپوشجیلرده کذابجی اوغلی خاننده ۳۰ نومرولی اوطه ده مقیم قومیسونجی آرون بنوه نیسته نک ۲ تموز سنه ۳۱۸ تاریخندن اعتباراً اعلان افلاسنه ومصالح افلاسیه نک رؤیت و تسویہ سی ضمنندہ محکمہ اعضا ملازمی عزتلو اسماعیل بکک ژور قومیسر عثمان طلعت بکک موقت سندیک تعیینلرینه ومغازه سیله اشیای زائده بیتیه سنگ تمهیرینه واوراق ودفا ترینک جلبنه وکفالت ارأه ایده مدیکی تقدیرده حبس وتوقیفه وبوبابده کی قرارک موقه ا جراسنه محکمہ تجارت بحریه جه قرار ویراش اولدیغندن قانوننامہ

تجارتک ۱۷۰ نجی ماده سی موجبجه دائمی سندیکلر انتخاب اولنلق اوزره اشبو بیک اوچوز اون سکر سنی تموزینک اون التنجی صالی کونی ساعت یدی راده لرنده اصحاب مطلوبک محکمہ مذکورک افلاس اوطه سنه کللری اعلان اولنور.

اعلامات شرعیہ اجرا دائره سنده :

فاطمه نادره خانمک عزتلو احسان بک ذمتندہ بااعلام شرعی متراکم نفقه دن اله جنی اولان مبالغ معلومه نک تأمین استیفاسی ضمنندہ مدیون مومی الیهک متوفاة والده سی ملک خاتمدن منتقل اولوب محجوز واسکدار بدایت محکمہ سی حقوق دائره سندن ویریلان اعلام ایله فروختی محکوم بولنان ارن قریه سنده پوسته جاده سنده واقع بری اون ایکی اوطه ایکی صالونلی و دیکری طقوز اوطه بر صالونلی ایکی باب کوشک ایله بر باب اخوری واتصالده مطبخ ایله دروننده قایش طاعی صوینی وایکی حوضی واشجار شمیره وغیر شمیره یی مشتمل اطرافی دیوار ایله محاط اون درت دومن مقداری بر قطعه باغک اوچ حصه اعتباریله ایکی حصه سی بوندن اقدم بالمزایده لیرای عثمانی یوزغروشدن وتوز بشیک غروشدن ایله طالبی اوزرنده تقرر ایتش وموقت قرارداده سی کشیده قلمش اولدیغندن یوزده بش ضم ایله بوندن زیادیه طالب اولنلرک اشبو تاریخ اعلاندن اعتباراً وتوز بر کونه قدر مراجعت ایتلری وتاریخ مذکور دن صکره ضم قبول اولنوب تقرر ایدن بدل مقابلی طالبی عهده سنه معامله فراغیه سنگ اجرا قلنه جنی اعلامات شرعیہ اجرا دائره سندن اعلان اولنور

درسعادت اعلامات نظامیہ اجرا دائره سنده :

حاجی احمد افندی بک بااعلام نظامی تحسین بک زاده سلیمان بک ذمتندہ محکوم به آلاجنی اولان مبالغک تأمین استیفاسی ایچون مدیون مومی الیهک عهده تصرفده اولوب حکماً محجوز بولنان خصکی جوارنده سلیم پاشا زقاغنده تخمیناً یوز اللی ارشون اوزرینه مبنی فوقانی وتحتانی آلتی اوطه ومرمر دوشلی ایکی حولی وبر مطبخ ایله تخمیناً یوز اللی ارشوندن عبارت باغچه یی حاوی مکرر بر نومرولی اخشاب بر باب خانه نک نصف حصه سنگ تاریخ اعلاندن اعتباراً اون بش کون صکره بالمزایده فروخته تشبث اولنه جنی درسعادت اعلامات نظامیہ اجرا دائره سندن اعلان اولنور.

مالیه خزینة جلیله سنگ واردات رسومیه اوله رق

بااعلام نظامی متوفی ارضروملی قره بت اغا ذمتندہ آلاجنی اولان مبالغک تأمین استیفاسیچون مدیون متوفانک عهده سنده بولنان والده خانی دروننده ایچ قیو اتصالنده واقع اخشاب سکر نومرولی بر باب بقال دکانی واوزرنده بر باب اوطه یی مشتمل شهری بر لیرا ایجار کتورر بر باب دکان بالدفعات اجرا قلنان مزایده اوزرینه لیرا یوز غروش حسابیله طقوز بیک درتیوز غروشدن طالبی عهده سنده تقرر ایدرک مدتنک انقضاسنه مبنی قرار داده سی کشیده قلمش اولدیغندن بوندن زیادیه یعنی یوزده بش ضمیمه طالب اولنلرک وبوندن زیادیه معلومات آلتی استیانلرک تاریخ اعلاندن اعتباراً وتوز بر کون ظرفده پی آقهلریله برابر درسعادت اعلامات نظامیہ اجرا دائره سنه مراجعت ایللری اعلان اولنور.

حسن خانمک خالد افندی ایله کوثر خانم ذمتلرنده بااعلام نظامی آلاجنی اولان مبالغک تأمین استیفاسیچون مدیونلرک عهده تصرفلرنده اولوب حجز وفروختی قرارلشدیریلان ایوبده واپور اسکله سی جاده سنده بر باب قایقخانه ایله محل مذکورده اوچ نومرولی غازینو وبقال دکانک اوچ حصه اعتباریله مرهون بر حصه سی التمش بر کون مدته اجرا قلنان مزایده علیه نتیجه سنده لیرای عثمانی یوز غروش حسابیله بش بیک بشیوزغروشدن داینه مومی الیها عهده سنده تقرر ایدرک موقتاً قرارداده سی کشیده قلمش اولدیغندن مذکور عقارک بر حصه سنه یوزده بش ضمیمه بوندن زیادیه طالب اولنلرک پی آقهلریله برابر وتوز بر کون ظرفده درسعادت اعلامات نظامیہ اجرا دائره سنه مراجعت ایللری اعلان اولنور.

مطالبه سنجایی بدایت محکمیہ اجرا دائره سنده :

حاجل قریه لی یوان قالفه نک قریه مذکورده دن خرستو وطناش کفالتلریله کورجی حاجی علی اغا نقود موقوفه سندن بر قطعه ادانه حجتی موجبجه استدانه ایلدیکی مبالغ معلومه نک تأمین استیفاسی ایچون مدیون مرقومک چتالجه قصبه سنگ یوسف چشمه موقعنده متصرف اولدینی محجوز بر باب یل دکرمانک تاریخ اعلاندن اعتباراً اون بش صکره مزایده وضع اولنه جغندن طالب اولنلرک چتالجه سنجایی بدایت محکمہ سی اجرا دائره سنه مراجعت ایللری اعلان اولنور.